

videtur, aliquam aliam Vitam uberiorem existisse, quam Alcuinus emendaverit. Lambecius, Bibl. Vin-dob. tom. II, pag. 409-415, credebat, Vitam quam Alcuinus emendavit, addendo simul illa quæ de translatione corporis sancti Vedasti per Autherum et sanctum Audomarum in impressis leguntur, illam esse quæ in codice ævo Alcuini exarato bibliotheca Augustæ Vindobonensis habetur; ubi etiam deest epistola ad Radonem abb., nihilque de predicta translatione habetur. Ut sit, nos hoc loco exhibemus Vitam quæ sub Alcuini nomine tam in impressis quam in mss. codicibus habetur, et qualis, ad mss. codices collata, edita exstat tom. I Febr. Act. SS. Bollandi, cum lectionibus variantibus et notis ab Henschenio additis. Accedit etiam ex eadem editione *Exhortatio ad imitandas virtutes S. Vedasti in actis descripta, auctore eodem Alcuino*, quæ illa haud dubie est quam is promiserat in epist. 51 ad monachos Vedastinos.

Subsequitur Vita beatissimi Patris Richarri; quo titulo illam ipsem Alcuinus in prefatione seu epistola ad Carolum Augustum insigniri voluit. Antequam vero Alcuinus hujus beati viri gesta describeret, jam alia Vita illius simpliciori stilo digesta, cum alio grandioris quantitatibus libro miraculorum, existebat; quam Vitam Alcuinus, petente beato Angilberto Centulensi abate, accedente etiam Caroli Magni auctoritate, expolivit, intacto miraculorum libro, qui una cum primaria illa scriptione seu Vita intercidisse creditur. Scripsit insuper Alcuinus, teste Hariulfo in Chron. Centul. libro II, cap. 11 (tom. IV Spicil. Acherii): *Antiphonus et responsoria vel hymno de eodem sancto, ut magni Patris festivitas nihil minus congrui offici habere videretur. Ubi notandum est quod quodam in hymno ipsum Richarium laudando altoquens dicit:*

Tu struxisti coenobium, I co prope Argubium,
Et aliud in Centulo, ambo perenni merito.

Quid sit Argubium ignoratur, ait Mabillonius in Observ. præv. ad hanc Vitam. Locus erat sine dubio prope silvam Crisiacensem, in qua monasterium,

(a) Mabill., Act. Ben., sicc. II, part. I, pag. 189;
Act. SS. Bolland., tom. III April., pag. 441, Edit.
Venet.; Mabill., Annal. lib. xxvi, n. 51.

A quod *Forestis Cella* (*Forest-Monster*) appellatur, a sancto Richardo exstructum esse infra cap. 2, n. 12, narratur. In litteris Guidonis Ambianensis episcopi, libro iv Chron. Centul., cap. 22, *altaria villarum Argubii et Montis-Elisii* exprimuntur. Antiphonæ, responsoria ac hymni ab Alcuino in honorem sancti Richarri compositi nullibi comparent: epitaphium vero, quod ibidem recenset laudatus auctor Chronicus Centulensis Alcuinum auctorem non habere, inde haud temere judicamus, quod in illis versibus sanctus Richarius *præcelso stemmate* prognatus, ampliusque mundi honoribus fuisse, atque multas divitias possedisse prædicetur; quem tamen Alcuinus initio Vitæ non admodum nobilibus parentibus ortum, atque in vita rustica sanitatis futura præsagia gessisse commemorat; quæ vix combinari possunt. Illud ergo carmen ad dubia saltem rejicimus. Hic vero Vitam sancti Richarri exhibemus in capita tria divisam, atque ad editionem viorum clarissimorum (a) Mabillonii et Henschenii emendatam, additis notis queis iidem celeberrimi scriptores hanc Vitam illustrarunt.

B Ultimo demum loco exhibemus Vitam sancti Willibrordi episcopi Trajectensis ad Rhenum, duobus libris, uno scilicet prosa, altero metro comprehensam. Huic conscribendæ Alcuinus sese impendit circa annum 796, annis amplius quinquaginta post sancti viri obitum, rogatus a Beornredo seu Beornrado ex abbate Epternacensi, ut tradunt, archiepiscopo Senonensi. In fine Vitæ prosaicæ additur homilia, populo in Natali sancti Willibrordi prædicanda; in fine Vitæ metricæ elegia addita est de sancto Willigiso, Patre sancti Willibrordi. Hæc omnia descripti sum ex editione Quercetani, quam tamen contulimus cum aliis editionibus (b) Canisii et Mabillonii (c), notis quoque ab iisdem mutuatis. Vitam quoque metricam cum Elegia annexa Christianus Daumius suæ collectioni aliorum carminum, quæ Zwichavii 1662 et 1672 proditi, inseruit, ut refert scriptor Historiæ Lit. Galliæ, tom. IV, pag. 321, quam nunquam vidimus.

C (b) Canisius, edit. Basnagii, tom. II, part. I, pag. 458-471.

(c) Mabill., Act. Bened., sicc. III, part. I, pag. 603.

159 OPUSCULUM PRIMUM

SCRIPTUM DE VITA S. MARTINI TURONENSIS^a,

In quo mirifice virtutes ipsius commentatus est breviter.

I. Postquam Dominus noster Jesus Christus triunphator ad alta cœlorum ascendit, et in majestate paterna Deus consedit, multa sæculis doctorum lumen concessit, quatenus ignorantiae tenebris effugatis, ad verum lumen agnoscendum gentes ubique converteret [Al., converterent]: ut sicut stellæ diversis in cœli partibus clarescent, ita et doctores sancti per varias mundi partes lucescerent, ut omnibus via patesceret salutis, et veritatis lux claresceret. Unde et beatissimum Martinum Galliæ deduxit [Al.,

D direxit] in partes, ut populos, tetra caligine tortentes, luce veritatis irradiaret, et plurimas de antiqui hostis faucibus extraheret gentes, et sacratissimo Christi insereret corpori.

II. S. viri patria et militia. Christi militiam sequamat. Catechumenus pauperem vestit. — b) Igitur beatissimus vir, paganis parentibus in regione Pannonicæ, Sabarie oppido, genitus est; sed intra Ticinum Italiae nutritus, militi eque cingulo, a præside [Al., a persido] Juliano, juxta parentum suorum

batur in Octava festi S. Martini.

b) Vide apud Sulpitium Severum Vitam S. Martini, nec non et Dialogos: ex quibus passim in hoc opusculo multa videntur desumpta esse.

^a In cod. Vaticano 6074, sicc. XI, pag. 233, iste præfigitur titulus: *Homilia in natalem sancti Martini, Albini magistri. In aliis codicibus Vaticanis sicc. XI, XII et XIII, ad marginem notatur, quod lege-*

nobilitatem, est addictus. Sed vir sanctus magis elegit Deo celesti servire, quam sub imperatore militare terreno; qui specialiter electus est, ut vexillum sanctæ crucis occiduas orbis portaret in partes, et militiæ sacramenta evangelicis mutaret edictis: non pro regno armis secularibus certare Romano, sed specialibus doctrinis Christianum dilatare imperium; nec dura Romanorum lege populos subjicere feroce, sed leve Christi jugum plurimarum collo injicere gentium. Qui post sacri baptismatis mysterium magnis in mundo claruit miraculis, et doctrinis longe lateque resplenduit in orbe; cuius hæc prima leguntur insignia. Cum adhuc catechumenus esset, hiemali frigore, media suæ chlamydis pauperem parte vestivit. Qua etiam parte chlamydis suæ, inter angelicos exercitus Dominum Jesum, divinitus illuminatus, nocte sequente, vestitum asperxit; ut verum intelligeret quod ipse Dominus Jesus evangelicis intonat paginis: *Quandiu fecisti uni ex his minimis meis, mihi fecisti* (*Math.*, xxv., 40).

III. Adolescens Mediolani moratus Arianis restitit.
In Galliam secedit et S. Hilario jungitur. — Hic vir florem adolescentiæ suæ Mediolana transegit in urbe, quam tunc temporis Ariana, favente Auxentio, multum niaculavit perfidia; cui sanctus Martinus ut fortis athleta Christi viriliter restitit, intrepidusque veram sanctæ Trinitatis fidem docebat. Sed inde [Al., exinde] Arianorum sævitia principum depulsus Gallicanas secessit in partes, venerabilique Pictaviensis urbis antistiti Hilario junctus, qui tunc temporis quasi firmissima fidei columna omnibus laudabilis exstitit: et quasi [*Forte, et sicut*] Lucifer in cœlo stellis clarius cæteris clarescit, ita ille sanctus vir in Ecclesia Christi, omnibus famæ magnitudine, et sanctitate vitæ, et doctrinarum veritate sanctarum excellentior effulsius: cuius disciplinis se sanctus Martinus, post relictum militiæ cingulum, sociavit, ut tanti viri eruditus exemplis Christianam fortior processisset ad pugnam, fidei armatus galea, et lorica justitiae accinctus, gladio verbi Dei armatus, intrepidus contra omnia tela maligni bellator muniretur.

IV. Parentes invisens matrem convertit ad fidem.
Similiter et latronem. — Idem quoque sanctus vir divino adnitionis oraculo, parentes suos ad sacra fidei convertit professionem; et matrem, quæ se mundo genuit, ipse regeneravit Christo. Hoc quoque itinere latronum perpessus insidias, dum unitadit ad custodiendum, evangelica prædicatione latronem convertit ad Christum: et qui [Al., et cui] traditus fuit ad poenam, factus est ei in salutem.

160 V. In Gallias redit. Cellam construit. Tres mortuos resuscitat. Puellam mutam sanat. — Inde regressus obviā habuit malignum spiritum, qui sancto viro, quoconque pergeret, comitem se esse spopondit; cui intrepidus respondit: Dominus mihi

* Parentes suos, etc. Solam matrem, ait Severus Sulpit. cap. 4, patre in malis perseverante.

adjutor est, non timebo minas tuas. Sed multas Arianorum tribulationes sustinens, iterum Gallias repedavit, sanctoque Hilario Pictaviensi junctus, prope civitatem sibi cellulam construxit, in qua liberius contemplativos carperet fructus. Cui quidam catechumenus adhærens subita, sancto absente viro, morte præreptus est: quem vir Dei precibus profusis resuscitavit, vitæ redditum baptizavit, qui multis postea annis vixit. Alterum quoque, in cujusdam Lupicini b agro laqueo suspensum, sacris orationibus vitæ restituit. Tertium ab eodem sancto viro, in Carnoteno oppido, cujusdam mulieris flentem filium sola oratione in conspectu populi resuscitavit. Quo miraculo viso, plurimi ex populo crediderunt Christo. Succedente itidem tempore, in eodem oppido, mutam ab infantia puellam benedicti olei inunctione sanavit.

C VI. Eligitur episcopus Turonensis. Omnibus virtutibus præluxit. — Sed ne lucerna Domini modio tecta lateret, dulcissimus abstractus est sedibus, multorumque precibus alligatus, electus est in episcopum Turonicae civitatis, ubi plurima sanctarum insignia gessit virtutum, et multa cœlestis vitæ dogmata sparsit, tamen privatæ vite continentiam in turbis populorum non amisit. Humilis in habitu, jucundus in sermone, devotus in prædicatione, verax in iudicio, venerabilis in moribus, pervigil in orationibus, assiduus in lectione, constans in vultu, pius in affectu, honorabilis in ministerio sacerdotali, infatigabilis verbi Dei seminator, impiger acceptam Domini sui pecuniam multiplicare; cum gaudentibus gaudens, cum lugentibus lugens, omnibus omnia factus, ut omnes lucriferaret Christo; virtutibus insigis, bonitate laudabilis, pietate amabilis, multis in episcopatu fulgens virtutibus.

VII. Miracula. — Nam turbam paganorum ritu tumultuantem in obsequio cujusdam corporis, verbo orationis, uno ligavit in loco; iterumque resolvens suis permisit dominari vestigiis. Ruentem pinum super se signo crucis opposito avertit, mirantemque turbam Christo credere fecit. Seipsum in tecto cujusdam domus flamnis opposuit, ne innocua laderet ignis tecta, qui fanum incendit idolatriæ. Aliud quoque templum antiquo errore dæmonibus dedicatum, dum manu non potuit humana, angelico fulitus auxilio subvertit. Nec non alio loco gentilium sacra subvertens, a quadam pagano gladio appetitus, ille nudum ferientis ictui collum opposuit; sed impius retro cadens, suam intelligens impietatem, veniam postulavit a sancto; alteroque librante ictum in sanctum caput, ferrum effugit de manibus. Treveris paralyticam puellam, totisque resolutam membris, sacra benedicti olei infusione, astante populo, pristinæ reddidit sanitati. Tetradii proconsularis viri servum manus impositione a dæmonio liberavit. Unde et ille Tetradius cum tota domo sua ad Christianam conversus est professionem. Cujusdam quo-

b Lupicini. Hunc honoratum secundum sæculum virum Sulpitius nominat, l. cit.

que patrisfamilias puerum a dæmone arreptum atrocissimo, digitos in os mittens, spiritum malignum per pudenda patientis exire compulit. Leprorum in porta Parisiacæ civitatis a deformitate sui corporis solo salvavit osculo; sed et fimbrias vestimenti ejus, et fila cilicii multos sanare morbos compertum est. Filia Arborii prefecti per impositiōnem epistole sancti Martini a gravissimis liberata est febribus. Paulini ^a oculum peniculo superposito sanavit a dolore atque caligine.

VIII. Ab angelis, B. V. et aliis sanctis visitatur. Spiritu prophetæ claruit. — Idem quoque sanctus Martinus cadens per gradus, graviter pene totus attritus membris, nocte ab angelo ad integrum recreatus est sanitatem: sæpiusque angelicis visitationibus et familiari locutione fruebatur. Quodam vero die beatissima Genitricis Dei et Domini nostri Iesu Christi, et sanctorum apostolorum Petri et Pauli; nec non sanctorum virginum Theclæ et Agnetis visitatione vir Dei honoratus et confortatus est. Nam dæmonum phantasmata, et in diversis figuris horribiles aspectus nihil metuens, nec ullis eorum fallaciis illudi potuit. Spiritu vero prophetarum ita claruit, ut multis multa prædixerit **161** futura: velut Maximo imperatori victoriam in Italia et in Aquileia interitum prædictum. Et eodem beato viro celebrante sanctum mysterium ad altare, globus igneus subito de vertice fulsit illius. Eventius quidam ægrotus, properante ad se beato viro, prius sanitatem recepit, quam sanctus Martinus domum intraret. In eadem quoque domo puerum a serpente percussum, sanctorum tactu digitorum a periculo mortis eruit.

IX. Sancti viri patientia. Dæmones pellit, etc. — Nam tantæ fuit vir Dei patientia, ut convicia non doluerit, opprobria non senserit: imo et quorundam rusticorum flagella placido sustinuit animo, eorumque fixa terris animalia solo solvebat sermone. Nemini adulando blandiebatur; principi nulli veritatis verba tacuit, ad nota semper orationum subsidia recurrens. Unde si quid ei potestas renuit ^{sæcularis}, mox divina præstitit pietas. Quædam puella dæmoniaco arrepta spiritu, stramine, ubi sanctus Martinus sedebat, a potestate erepta est inimica. Non solum homines, sed etiam animalia a dæmonum liberans potestate, et mansueta in suum redire gregem mandavit. Etiam fuit tantæ misericordiae, ut canibus sequentibus lepusculum imperaverit stare; et miseram bestiolam a presenti morte eripuit. Villa quædam in Senonico grandinea sæpius vastata tempestate, ad preces sancti Martini, multis liberata est annis. Mulier a sanguinis fluxu vestimentorum illius tactu sanata est.

X. Obiit. — Talibus etiam electus Dei sacerdos mundo claruit miraculis; et in omni vita et conver-

^a Paulini, episcopi Nolani. Vid. Baron. Annal. tom. V, pag. 23, num. 17.

^b Perpetuus episcopus Turonensis quintus post sanctum Martinum; qui ad sepulcrum hujus sancti pontificis construxit basilicam, cuius figuram descri-

A satione perfectus, in omni pietate et religione præclarus, in omni bonitate et benignitate jucundus, anno ætatis sue LXXXI, et episcopatus sui XXVI, annis maturus et meritis, in cœlestia advocatus est regna; quatenus cum multiplici sui laboris mercede, perpetuam a Christo Domino reciperet coronam. Sed diem obitus sui multo ante pernoscens, et quibusdam suis prædicens fratribus, appropinquanteque hora, februm dolore tactus, letus in laude Dei, inter divina prædicationis verba, inter angelicas cœlestium hymnorum voces, suis astantibus discipulis, sanctam Deo Christo reddidit animam.

XI. Turonis sepelitur. — Cujus sanctum corpus a clericis civitatum, et populorum turbis, cum laudibus et hymnis ad Turonicam portatur civitatem, ibique in polyandro publico sepultus est, ubi postmodum beatus antistes Perpetuus ^b laudabili opere, et venerabili cultu construxit ecclesiam tanti Patris condignam meritis: in qua etiam usque hodie multa miraculorum signa, plurimæ sanitatum virtutes, consolationes moerentium, pietates lœtantium, præstante Domino nostro Iesu Christo, fieri solent, qui vivit et regnat cum Deo Patre [^c et Spiritu sancto in unitate majestatis divinæ, per omnia sæcula].

^d EJUSDEM ALCUINI

SERMO DE TRANSITU SANCTI MARTINI.

XII. Sancti Martini sanctitas, miracula et prophetæ donum. — Oportet nos omnes unanimiter gaudere, fratres charissimi, et præclarum diem obitus sancti Martini fideliter venerari; sed præcipue qui in Occidentalibus mundi partibus sunt fideles Christi, qui et doctrinis ejus similiter et exemplis illuminati sunt: quia quocunque prædicabat verbis, demonstrabat operibus. In omni enim vita sua et conversatione sua perfectus, in omni pietate et religione præclarus, in omni bonitate et benignitate jucundus erat, ab omnibus laudabilis, omnibus amabilis; virgo inter chorus virginum, egregius sacerdotum, imitator apostolorum, et Christi præparator. Quem Dominus in gratia apostolica est dignatus eligere, sicut de illo scriptum est: ^e Hic est Martinus, electus Dei pontifex, cui Dominus post apostolos tantam gratiam conferre dignatus est, ut in virtute sanctæ Trinitatis deificæ mereretur fieri trium mortuorum suscitator magnificus. ^f Ad exemplum Domini tres mortuos suscitavit: multa etiam spiritu prophetæ, antequam starent, præsciebat. Spiritu enim prophetæ plenus erat, et ideo suum obitum divina inspiratione præscivit, et quibusdam ex fratribus dissolutionem sui corporis appropinquasse revelavit.

162 XIII. Inter clericos discordantes pacem reformat. Aribus imperat. — ^g Tunc autem causa illi evenerat, qua necesse habuit Condatensem diœcesis sue

bit S. Greg. Turon. Hist. Franc. libr. II, cap. 14.

^c Quæ uncinis inclusa sunt, ex ms. Rhenensi sacer XII sunt desumpta.

^d Ex ms. Cod. Puteanorum fratribus.

^e Ex epistola Severi ad Basulam, paucis mutatis.

vicum adire, ut clericis inter se Ecclesiæ illius discordantibus pacem reformaret. Et licet finem dierum suorum adfuisse non ignoraret, proficisci tamen ob istiusmodi causam non recusavit, memorans illud evangelicum : *Beati pacifici, quoniam filii Dei vocabuntur*: volensque pacem omnibus relinquere, exemplo Domini in die ascensionis sue apostolis dicentis : *Pacem relinqāo vobis, pacem meam do vobis. In pace vos dimisi, in pace vos inveniam*. Cumque hac causa cum familiari discipulorum comitatu iter perageret, mergos in flumine videt piscium multititudinem captantes, et dixit : *Forma hæc dæmonum est. Tunc illis potenti virtute verborum imperavit, ut eum gurgitem relinquentes arida desertaque appeterent loca. Statimque mirum in modum omnes in una turba congregatae relicto flumine montes silvasque petierunt*. Et admirati sunt, qui simul aderant, talem in Martino esse virtutem, ut etiam avibus sive dæmonibus imperaret per gratiam Dei.

XIV. *Ægrotat : molliorem lectum sibi sterni recusat.* — Cumque in illo vico, ad quem ierat, paucis diebus commoratus, pace inter clericos restituta, jam regredi ad monasterium cogitaret, viribus corporis cœpit repente destitui ; convocatisque discipulis, indicavit eis jam adesse tempus resolvendi spiritum ejus a corpore. Tunc vero luctus et mœror omnium, vox una plangentium et dicentium : *Cur nos, Pater, deseris, aut cui nos desolatos relinquis?* Invadent enim gregem tuum lupi rapaces. Et quis nos a rapaciatibus eorum, te recedente, defendet ? Scimus quidem te desiderare Christum, sed salva tibi præmia tua, nec dilata minuentur; nostri potius miserere. Tunc ille motus eorum fletibus lacrymasse perhibetur ; conversusque ad Dominum supplici voce dixit : *Domine, si adhuc populo tuo sum necessarius, non recuso laborem ; fiat voluntas tua. Nimirum nesciebat quid potius mallet : quia nec hos deserere, nec a Christo volebat diutius separari. Nihil enim in voto suo ponens omnia hæc in Dei arbitrio dimisit dicens : Domine, si adhuc me vis in corpore manere, non recuso laborem : et si parcis ætati, bonum est mihi : fiat voluntas tua. Hos autem, de quibus timeo, tu ipse custodi. O virum ineffabilem, nec labore vi-*

Actum, nec morte vincendum, qui nec mori timuit, nec vivere recusavit ! Sed cum a discipulis rogaretur, ut stramenta sub se ficeret ponи, vi febrium per aliquot dies laborans, Non decet, inquit, filii, non decet Christianum, nisi in cinere et cilicio mori ; ego enim, si aliud vobis reliqui exemplum, ipse peccavi. Et cum iterum a presbyteris, qui ad ejus infirmitatem venerant, rogaretur, ut corpusculum lateris mutatione relevaret, Sinite, inquit, sinite me, frātres, potius cœlum quam terram videre, ut in suo itinerem jam iturus ad Dominum meus spiritus dirigatur.

XV. *Inter angelicos hymnos animam agit.* — Annigitur ætatis suæ LXXXI, et episcopatus sui XXVI, maturus annis et moribus apud Condatensem diœcesis suæ vicum, ut diximus, feliciter recessit a sæculo. **B**Sed inter divina sacræ prædicationis verba, cùm angelicis coelestium hymnorum vocibus, circumstantibus suis discipulis, gratia plenus et sanctitate, sanctam Jesu Christo tradidit animam. Multi enim in ejus transitu voces audierunt angelorum sanctum Martinum laudantium. Quanta autem multitudo ad ejus obsequium convenerit, narrari non potest. Multi enim ex vicinis urbibus et monasteriis atque vicis cum lacrymis venerunt, una voce sanctum Martinum lugentes. O quantus erat luctus omnium ! quanta præcipue lamenta monachorum et virginum dicentium, quia pium est gaudere Martino, et pium est flere Martinum. Pium enim erat eum vivere, pium erat et mori ; quia in vita sua placuerat Deo.

XVI. *Turonis sepelitur.* — **C**ujus quidem corpus a clericis civitatum, et populorum turbis, cum laudibus et hymnis ad Turonicam portatum est civitatem, ibique cum magna veneratione sepultum est, assequente eum cœlesti turba cum cœlestibus hymnis usque ad locum sepulcri. In quo postea loco beatus antistes Perpetuus novam laudabili opere construxit ecclesiam, tanti patroni talisque viri condignam meritis. In qua etiam usque hodie multa miraculorum signa, plurimæ sanitatum virtutes, consolationes mœrentium, et pietates lætantium, præstante Domino nostro Jesu Christo, fieri solent : qui vivit et regnat in unitate majestatis, per omnia sæculorum. Amen.

* Clausula hæc eadem est ac præcedentis scripti, supra num. 44.

163. OPUSCULUM SECUNDUM.

VITA S. VEDASTI EPISCOPI ATREBATENSIS,

Scripta circa annum 800.

Dulcissimo dilectionis filio Radoni * abbati humilis levita Albinus salutem.

* *Radoni. Surius, Rodani.* Is abbas factus monasterii Vedastini anno 795 monasterium, templum et cultum sancti Vedasti maximis sumptibus instaurau-

DI. Dilectionis vestræ venerabile præceptum secretus, Vitam sancti Vedasti Patris vestri et intercessio-

vit; et anno 815 obiit, prout legitur in Chron. Vedastino apud Locriū et Franc. Le Bar in monumentis ms.